

欽定中樞政考

欽定中樞政考目錄卷之四

八旗

補放

補放

陵寢總管

陵寢總管期滿更換

補放

陵寢翼長

補放

東陵雲騎尉品級章京

補放

陵寢防禦驍騎校

補放

盛京

三陵翼長

補放察哈爾總管

補放察哈爾叅領

補放察哈爾副叅領

巴爾虎等處佐領不論是否通曉清語文字

俱准補放

補放察哈爾巴爾虎佐領

補放察哈爾舊額魯特佐領

補放察哈爾新附額魯特官員

補放察哈爾護軍校驍騎校

補放熱河蒙古協領等官

熱河另戶滿洲准挑缺

補放

盛京義州包衣佐領

補放

盛京蒙古巴爾虎漢軍佐領防禦

直隸等省城守尉毋庸於宗室內補放

盛京所屬城守尉俱以宗室補放

揀選城守尉迴避定制

補放河南等處城守尉

補放各將軍所屬城守尉

揀補各處城守尉

補放山海關協領等官

補放密雲協領

補放烏魯木齊官員

補放獨石口等處防守尉

補放德州等處防禦等官

補放綏遠城協領

補放綏遠城蒙古佐領以下官員

綏遠城換防兵丁陞補驍騎校

補放駐防協領

補放駐防佐領

補放駐防防禦

熱河應行引

見官員分別送京

補放吉林等處驍騎校

記名人員不肯勉力行走咨報部旗開除記

名

補放駐防協領以下等官記名人員分別坐

補

駐防託名協領隨時知照軍機處

駐防人員病痊補用

補放駐防水師營官員

補放黑龍江等處營水手官

補放黑龍江各城協領

補放駝馬廠牛羊羣牧廠總管翼長分別試

用

駐馬廠牛羊羣牧廠總管副總管陞用

盛京等處繁缺調補

盛京吉林黑龍江官員缺出請補當差

吉林烏鎮營官員缺出

三姓號驛校陞補

奉三省委署官員各部交差

補放張家口等處城守等官

伊犁烏里雅蘇台駐防城守補用

吉林等處官員年滿調補京缺

補用卓異官員

補用近京駐防卓異官員

旗員丁憂分別陞用

察哈爾降調人員補用

察哈爾兼管喀爾沁人等挑取馬甲拜唐阿
駐防委署驍騎校等官各部委署

補放

陵寢總管

一

東陵

西陵總管缺出兵部咨呈宗人府將奉

旨以

陵寢總管用之郎中員外郎帶領引

見補放如無此項人員行文值年旗會同領侍衛內

大臣於滿洲頭等侍衛前鋒叅領護軍叅領

欽定中樞政考

卷四

補放

六

驍騎叅領并記名人員內揀選二三員帶領

引

見補放

一

盛京

三陵總管缺出值年旗會同領侍衛內大臣於滿洲頭
等侍衛前鋒叅領護軍叅領驍騎叅領并記
名人員內揀選二三員帶領引

見補放

慶親總管期滿更換

嘉慶二十三年十月內奉

旨

永陵

福陵

昭陵總管等並按該班年限所駐年分太久著加恩嗣

後五年奏請更換回京仍在原侍衛章京上當差

有現任一官內如有已滿五年者賽冲阿卽行奏

更換欽此

道光元年七月內奉

上諭御史廣志奏請定

陵寢總管更換年限一摺盛京

三陵總管嘉慶二十三年曾經奉

旨定限五年更換一次

東陵

西陵總管階級相同獨無遷調之期未免兩歧所有

東陵總管三員

西陵總管二員著照盛京之例亦定限五年期滿卽行

更換來京仍回原衙門行走以歸畫一

此

補放

陵寢翼長

一

陵寢翼長缺出該處於防禦內揀選擬定正陪保送兵

部轉咨值年旗帶領引

見補放如保送人員不堪補放值年旗會同領侍衛
內大臣按翼於滿洲二等侍衛並錄侍衛副
護軍叅領副驍騎叅領佐領并記名人員內
揀選二三員帶領引

次定中區改考

補放

九

見補放

補放

東陵雲騎尉品級章京

嘉慶十九年三月內奉

上諭弘謙等奏酌定雲騎尉品級章京補缺章程一摺
五陵八旗額設雲騎尉品級章京遇有缺出如本旗無
合例應陞人員向係由京補放於該處差使未能熟
習著照所請嗣後該處缺出本旗無應陞之人卽在
本翼三旗驍騎校及讀贊等官合例人員內揀選補
放毋庸由京揀補所有現出鑲紅旗雲騎尉品級章

欽定四庫全書
京員缺卽照此辦理著爲令欽此

補放

陵寢防禦驍騎校

一守護

陵寢防禦缺出其出缺之人在

陵寢守護過二三世已逾八十年者該將軍總管等將

伊子弟內應行承襲之人揀選一人保送承

襲如守護未至八十年俱作爲公缺如果伊

子孫內有品級相當人材可觀者卽行揀選

擬定正陪保送兵部轉咨該旗帶領引

見補放如伊子孫現在品級未到人材不及該將軍
大臣卽將年久行走好之驍騎校與行走在
十五年以上清語好能管轄之讀祝官贊禮
郎一體揀選如不得其人准其於行走已過
十年之讀贊等官內揀選擬定正陪保送兵
部轉咨該旗帶領引

見補放至應襲之人雖年未及歲亦准其奏請補放
給與半俸其缺令人署理俟年至十八歲補
行引

見再行給與全俸令其當差此項防禦承襲之時照
世職官例繕寫家譜進

呈

一守護

陵寢驍騎校缺出由承辦事務大臣於本翼兵丁內揀
選正陪送部轉咨擬正人旗分帶領引

見補放

補放

盛京

三陵翼長

一

盛京

三陵翼長缺出該將軍等於世職防禦及兼宗室覺羅
學佐領之正管長與世襲頭等侍衛由滿洲
驍騎校補放之防禦毋庸論翼一體揀選如
不得人於

盛京八旗滿洲山驍騎校補放之防禦及佐領內
通行揀選擬定正陪保送兵部轉咨值年旗
帶領引

其山驍騎校補放之防禦佐領補用翼長後
遇有協領缺出准其一體揀選陞用

補放察哈爾總管

一察哈爾八旗總管缺出察哈爾都統於察哈爾八旗公散秩大臣叅領子男二等侍衛二等侍衛輕車都尉等官內揀選二三員保送兵部轉咨值年旗其在京八旗蒙古頭等侍衛前鋒叅領護軍叅領驍騎叅領能蒙古諸者由各該管大臣保送值年旗揀選二三員一并帶領引

見補放

補放察哈爾叅領

一察哈爾叅領缺出由該處都統於本旗副叅
領佐領子男輕車都尉及駝馬廠牛羊羣牧
廠四品總管內揀選能辦事者擬定正陪保
送兵部轉咨在京該旗帶領引

見補放

補放察哈爾副叅領

一察哈爾副叅領缺出由該處都統於該處
職及印房行走之章京護軍校驍騎校內
體揀選通曉滿文清語經歷事務之人擬定
正陪保送兵部轉咨該旗帶領引

見補放如原係三四品者仍戴本任頂帶五六七品
者俱賞給四品頂帶仍食本身俸祿

巴爾虎等處佐領不論是否通曉清語文字
俱准補放

嘉慶十四年二月內奉

上諭據慶怡等奏稱鑲白旗察哈爾半分佐領阿喇布
坦及正黃旗察哈爾佐領呢瑪所遺員缺應補入內
惟護軍校達瓦侍衛卓哩克圖通曉滿蒙文字餘皆
不能識字請旨嗣後遇有巴爾虎額魯特喀爾喀烏
拉特茂明安等處佐領官員缺出時可否無論清語
文字但視其善能管轄諳練事務之人各按次序於

進陞之缺補用等因一摺巴爾虎額魯特喀爾喀烏
里雅圖安等處佐領俱係後來陸續投誠之時因
於今蒙古奴僕所設佐領非察哈爾佐領可比如屬
陞人員內遇有不諳清語不識清字者卽不行補
不惟與伊等陞路有礙亦非朕愛惜蒙古奴僕之意
著交慶怡等所有現出佐領二缺卽照所請辦理外
嗣後巴爾虎等處補放佐領官員之時應陞人員內
如有通曉清語文字者卽擬定正陪咨送引見請旨
補放如實無通曉清語文字者卽由善能管轄請旨

事務人内揀選欽此

補放察哈爾巴爾虎佐領

一察哈爾巴爾虎佐領缺出由該處都統於巴爾虎應陞官員及牛羊羣五品副總管內揀選擬定正陪補放如不得人卽於本旗前鋒護軍領催內揀選人去得者保送兵部轉咨該旗帶領引

見賞給佐領職銜仍食原餉辦理事務三年後並無過失奏請實授

補放察哈爾舊額魯特佐領

一察哈爾舊額魯特由世管佐領緣事改作公
中佐領及公中佐領缺出由該處都統於舊
額魯特應陞之護軍校驍騎校雲騎尉內揀
選擬定正陪補放如不得人卽於舊額魯特
前鋒護軍領催內揀選人去得者保送兵部
轉咨該旗帶領引

見賞給佐領職銜仍食原餉辦理事務三年後並無
過失奏請實授

補放察哈爾新附額魯特官員

一新附察哈爾額魯特佐領缺出該察哈爾都統於本旗額魯特及察哈爾應陞官員內揀選擬定正陪保送在京該旗帶領引

見補放如以額魯特官員補放佐領其該佐領下驍騎校缺出於該旗察哈爾護軍領催內揀選保送若以察哈爾官員補放佐領其該佐領下驍騎校缺出於額魯特護軍領催內揀選保送至該佐領下護軍校缺出俱在額魯特

欽定中樞政考

卷四

三

三

護軍內揀選補放不准以察哈爾甲兵揀選

補放察哈爾護軍校驍騎校

一察哈爾護軍校驍騎校缺出該處都統等先儘本佐領下

特旨補用之人補用如無此等人於本佐領下曾經効力之護軍領催內揀選擬定正陪保送兵部轉咨該旗帶領引

見補放如將擬陪之人記名俟本佐領下護軍校驍騎校缺出坐補若本佐領下無記名之人及護軍領催行走勞績不及別佐領下記名之

人者缺出時准將別佐領下記名之人坐補
統於歲底將一年內坐補人員咨報該旗轉
咨值年旗彙奏其茂明安巴爾虎額魯特佐
領下護軍校驍騎校缺出止准於本佐領下
補放不准以別佐領下之人坐補

補放熱河蒙古協領等官

一熱河蒙古協領一缺作爲公缺缺出於蒙古
佐領內通行揀選擬定正陪送部轉咨值年
旗帶領引

見補放其蒙古佐領防禦缺出該都統先儘本翼人
員內揀選如實不得人准其於左右兩翼人
員內通融揀選擬定正陪咨送該旗帶領引
見補放至驍騎校仍按翼按旗補放

熱河另戶滿洲准挑缺

道光三年六月內奉

上諭慶保奏熱河各旗員弁請以巴克唐阿等五姓
一例挑補一招熱河滿洲各旗內巴克唐阿等五
姓既經查明實係盛京另戶正身滿洲嗣後遇有
本旗應陞員缺著准其與移駐熱河滿洲兵丁一
例挑補該部知道欽此

[illegible]

補左

盛京義州包衣佐領

一義州包衣佐領缺出交

盛京包衣三旗佐領於行走三年之驍騎校內保
舉能勝佐領之任者一人咨送將軍衙門與
義州之驍騎校一同揀選擬定正陪保送戶
部轉咨該旗帶領引

見補放

補放

盛京蒙古巴爾虎漢軍佐領防禦

一

盛京蒙古佐領缺出該將軍於蒙古防禦一員驍
騎校九員內通行揀選巴爾虎佐領缺出於
巴爾虎驍騎校十員內通行揀選漢軍佐領
缺出由漢軍防禦十員內通行揀選均毋庸
論翼按出缺旗分咨送兵部轉咨該旗帶領
引

見補放防禦缺出於本翼驍騎校內揀選送京引

見補放

直隸等省城守尉毋庸於宗室內補放

乾隆四十九年十月內奉

旨昨據值年旗爲補放山西太原城守尉一缺帶領引
見二人俱係宗室朕將擬正之宗室安慶補放山西
河南兩省城守尉皆係巡撫所屬以宗室而爲滿洲
巡撫所轄尙可若爲漢大臣之屬員於宗室體制不
甚相宜新放城守尉之宗室安慶頗可造就安慶著
與復州之城守尉永明對調仍交永瑋善爲指示安
慶辦事右衛城守尉長慶旣係宗室長慶卽著與岫

嚴城守尉龔圖對調龔圖著起程先往右衛更換長
慶莊浪城守尉額勒恒額亦係宗室遇有盛京所屬
各處城守尉缺出卽著調補嗣後除東三省外凡直
隸等省城守尉缺出不必以宗室補放著爲令欽此

盛京所屬城守尉俱以宗室補放

乾隆五十四年十二月內奉

旨從前各省城守尉員缺並將宗室一體補放城守尉
一官皆受督撫節制身係宗室受滿洲大臣節制尙
可若受漢大臣等節制於體制不協是以各直省城
守尉員缺停用宗室曾將山西河南城守尉安慶長
慶均已調補盛京所屬城守尉矣但念宗室於外省
文職道府等官武職綠營官員俱不選用而各省城
守尉員缺又不補放宗室伊等陞途未免過少著加

恩嗣後所有盛京城守尉員缺皆以宗室補放現在
藍帶人員暫且毋庸更調俟缺出時再將宗室等揀
選帶領引見補放欽此

揀選城守尉迴避定制

嘉慶十一年十二月內奉

旨盛京城守尉等皆在一省凡父子叔姪兄弟及近親人等同在一省遇有應行會辦事件究屬有礙卽如金州城守尉惠寧乃遼陽城守尉煥明之父理應令煥明迴避但惠寧年老步履維艱是以昨經降旨將惠寧出缺留京令其在頭等侍衛上行走著交兵部查明若城守尉向有迴避之例彼時辦理值年旗事務王大臣辦理錯誤卽將該王大臣叅奏卽向無迴

避之例而宗室中合例之人甚多惠寧本係金州城
守尉該值年旗復將伊子煥明保送遼陽城守尉揀
選帶領引見亦太不留心殊屬疎忽著將彼時辦理
錯誤之王大臣申飭嗣後同在一省之城守尉亦照
別項官員例一體迴避著爲令欽此

補放河南等處城守尉

一河南城守尉缺出由值年旗行文領侍衛內
大臣八旗都統前鋒統領護軍統領揀選頭
等侍衛前鋒叅領護軍叅領驍騎叅領咨送
值年旗揀選二三員帶領引

見補放

一德州城守尉係兩黃旗缺滄州城守尉係兩
白旗缺保定城守尉係兩紅旗缺太原城守
尉係兩藍旗缺缺出時兩旗都統會同領侍

衛內大臣前鋒統領護軍統領於兩旗前鋒
叅領護軍叅領驍騎叅領頭等待衛內揀選
其歷俸五年保舉之獨石口等處防守尉等
一併揀選列名繕由出缺之旗查明此次輪
應此旗之員擬補將此旗揀選一員擬正彼
旗揀選一員擬陪輪應彼旗之員擬補將彼
旗揀選一員擬正此旗揀選一員擬陪公同
帶領引

見補放

補放各將軍所屬城守尉

一

興京復州岫巖鳳凰城開原遼陽南金州城守尉
缺出由值年旗於頭等侍衛八旗前鋒叅領
護軍叅領宗室人員內揀選二三員帶領引
見補放呼蘭河右衛莊浪各城守尉缺出由值年旗
於頭等侍衛健銳營前鋒叅領及八旗前鋒
叅領護軍叅領內揀選二三員帶領引

見補放

揀補各處城守尉

嘉慶二十一年正月內奉

旨莊浪城守尉員缺卽著德寧補授毋庸撤回其誤將
驍騎參領一體揀選自乾隆四十五年以後歷案相
沿並非始自此次所有此次揀選之值年旗王大臣
及承辦章京均著免其議處嗣後各處城守尉缺出
仍俱遵照定例辦理並著值年旗將揀定之員先行
咨明兵部查核其不合例者該部卽行駁回更換查
明與例相符者再行帶領引見候旨簡放欽此

補放山海關協領等官

一山海關協領佐領防禦缺出該副都統於應
陞人員內不論翼旗滿洲蒙古一體揀選其
永平喜峯口羅文峪冷口四處防守尉防禦
缺出亦照此例一體揀選擬定正陪保送兵
部轉咨該旗帶領引

見補放此內防禦缺出將行走已滿三年之驍騎校
揀選保送至驍騎校缺出該副都統於七八
品官領催甲兵內均按翼不論滿洲蒙古內

揀選年久漢仗好能管轄者擬定正陪保送
兵部轉咨該旗帶領引

見補放

補放密雲協領

一密雲縣協領缺出卽將本翼防守尉及應陞
之佐領揀選擬定正陪咨送兵部轉咨該旗
帶領引

見補放

補放烏魯木齊官員

一烏魯木齊巴里坤滿營防禦驍騎校缺出該都統等秉公揀選擬定正陪繕寫各員勞績履歷具奏補放毋庸送京引

見佐領協領缺出該都統等於應陞人員內核其勞績秉公揀選擬定正陪具奏補放遇便給咨由驛來京兵部帶領引

見

補放獨石口等處防守尉

一獨石口防守尉缺出由值年旗行文領侍衛
內大臣八旗都統前鋒統領護軍統領步軍
統領揀選在京四五品職任及世職官員咨
送值年旗與該處歷俸五年保舉之防禦一
并揀選二三員帶領引

見補放

一昌平州防守尉係正黃旗缺古北口防守尉
三河縣防守尉俱係正白旗缺順義縣防守

尉係鑲黃旗缺玉田縣防守尉係鑲黃正白
兩旗缺良鄉縣防守尉係正紅旗缺寶坻縣
防守尉係鑲白旗缺固安縣防守尉係鑲紅
旗缺采育里防守尉係正藍旗缺東安縣防
守尉係鑲藍旗缺霸州防守尉係正黃正紅
兩旗缺雄縣防守尉係鑲紅鑲藍兩旗缺古
北口防守尉缺出密雲副都統於三河縣玉
田縣防守尉內揀選調補三河縣玉田縣防
守尉缺出於順義縣昌平州防守尉內揀選

調補順義縣昌平州防守尉缺出於此五處
防禦內通行揀選寶坻東安采育各防守尉
缺出稽察左翼大臣於滄州等四處防禦內
無論旗分通行揀選固安雄縣良鄉霸州各
防守尉缺出稽察右翼大臣於保定等五處
防禦內無論旗分通行揀選俱擬定正陪咨
送擬正之京城旗分帶領引

見補放如不得其人仍移咨京城本旗都統會同領
侍衛內大臣前鋒統領護軍統領於該旗前

鋒侍衛副護軍叅領副驍騎叅領佐領二三
等侍衛及歷俸五年保舉之德州等處防禦
內揀選如係一旗之缺揀選正陪各一員兩
旗之缺由出缺之旗查明此次輪應此旗人
員擬補將此旗揀選一員擬正彼旗揀選一
員擬陪應彼旗人員擬補將彼旗揀選一員
擬正此旗揀選一員擬陪公同帶領引

見補放

補放德州等處防禦等官

一德州防禦四員驍騎校四員鑲黃正黃每旗各二缺太原防禦四員驍騎校四員正藍鑲藍每旗各二缺防禦缺出於各本處二旗四員驍騎校內通行揀選驍騎校缺出按翼按旗揀選擬定正陪送部轉咨該旗帶領引

見補放順義縣防禦二員驍騎校一員鑲黃旗缺三河縣防禦二員驍騎校二員正白旗缺玉田縣防禦二員驍騎校二員鑲黃正白每旗各

一缺昌平州防禦二員驍騎校一員正黃旗
缺古北口防禦二員每翼一缺驍騎校四員
鑲黃正白二旗鑲白正藍二旗正黃正紅二
旗鑲紅鑲藍二旗每二旗各一缺防禦缺出
於本處驍騎校內揀選一員擬正五處通行
揀選一員擬陪如本處驍騎校或不堪擬正
或有事故將五處記名之驍騎校按記名先
後坐補如無記名之員卽通行揀選驍騎校
缺出各按本處揀選送部轉咨該旗帶領引

吳福放滄州防禦四員驍騎校四員正白鑲白每旗
各二缺保定防禦四員驍騎校四員正紅鑲
紅每旗各二缺良鄉防禦一員驍騎校一員
正紅旗缺寶坻防禦一員驍騎校一員鑲白
旗缺固安防禦一員驍騎校一員鑲紅旗缺
采育里防禦一員驍騎校一員正藍旗缺東
安防禦一員驍騎校一員鑲藍旗缺霸州防
禦一員驍騎校一員正黃正紅兩旗缺雄縣
防禦一員驍騎校一員鑲紅鑲藍兩旗缺

石口千家店防禦共四員每翼二缺驍騎校
共三員每翼一缺其餘一員八旗公缺防禦
缺出按翼按旗於已滿三年之驍騎校內及
歷俸五年保舉者不論滿洲蒙古揀選擬定
正陪送京如無已滿三年之驍騎校即將未
滿三年之驍騎校聲明呈報該管大臣該部
轉咨該旗帶領引

見補放此內滿石口千家店左右兩翼防禦各二缺
并山海關所屬左翼正白旗蒙古防禦一缺

右翼四旗防禦各一缺河南駐防蒙古防禦
二缺缺出時於應陞人員內揀選擬正擬陪
保送該旗帶領引

見補放如應陞人員不敷擬陪該管大臣將擬正之
人保送該旗帶領引

見補放如所送之人不堪陞用卽由該旗具奏於在
京人員內另行揀選擬定正陪帶領引

見補放寶坻采育里東安滄州各防禦缺出稽察左
翼大臣於寶坻等四處驍騎校內無論旗分

通行揀選保定固安雄縣良鄉霸州各防禦
缺出稽察右翼大臣於保定等五處驍騎校
內無論旗分通行揀選俱擬定正陪咨送擬
正之京城旗分帶領引

見補放

補放綏遠城協領

一經遠城滿洲協領四員缺出時該將軍按察
據選擬定正陪保送兵部轉咨出缺旗分帶
領引

見補放蒙古協領一員作爲公缺缺出時通行
擬定正陪保送兵部轉咨值年旗帶領引
見補放

補放綏遠城蒙古佐領以下官員

一綏遠城蒙古佐領防禦缺出該將軍等於八旗應陞人員內揀選擬定正陪送部驍騎校缺出於八旗應陞人員內揀選保送兵部均轉咨該旗帶領引

見補放

綏遠城換防兵丁陞補驍騎校

一綏遠城派往烏里雅蘇臺科布多等處換防
兵丁內挑補額外筆帖式期滿不識漢字願
以驍騎校補用者回營後毋庸計缺坐補俟
驍騎校缺出與應陞之人一體揀選補放

補放駐防協領

駐防滿洲蒙古漢軍協領缺出由該將軍都統副都統等於該處本翼應陞人員內揀選擬定正陪送部轉咨該旗帶領引

見補放

一

盛京滿洲協領并拉林協領廣州滿洲漢軍協領
乍浦滿洲協領寧夏滿洲蒙古協領缺出該
將軍於八旗應陞官員內揀選擬定正陪送

部轉咨該旗帶領引

見補放

一杭州滿洲協領缺出先儘本翼人員陞用如
實無堪膺保送之人准其奏明於左右兩翼
內通行揀選

補放駐防佐領

一駐防滿洲蒙古漢軍佐領缺出由該將軍都統副都統等按旗缺翼缺於該處應陞人員內揀選擬定正陪送部轉咨該旗帶領引

兄補放

一此賊佐領陞授彼城協領其所遺佐領卽行開缺至彼城前任協領所兼佐領如係世管卽令伊子孫承襲如係公中仍令新任之管領兼管此等擬令兼管人員該將軍都統副

都統等先行咨報部旗仍於歲底彙報部旗
由該旗轉咨值年旗彙奏毋庸咨送來京

補放駐防防禦

一駐防滿洲蒙古漢軍防禦缺出由該將軍都統副都統等按旗缺翼缺於驍騎校內已滿二年者揀選擬定正陪送部轉咨該旗帶領引

見補放如行走雖滿三年騎射不能入選併該處無行走已滿三年之員卽於未滿三年人員內擇其騎射好者將緣由聲明保送

熱河應行引

見官員分別送京

一熱河前鋒章京副前鋒章京等官員缺自十月至次年二月所出之缺該都統揀選正陪送部帶領引

見補放三月以後所出之缺毋庸送京恭候

皇上駐蹕熱河就近帶領引

見補放至協領缺出未便久懸隨時揀選正陪送部

轉咨該旗帶領引

見補放其佐領以下等官員缺如奉有

皇上巡幸熱河

諭旨接到部文之先所出之缺亦卽揀選送部轉咨

該旗帶領引

見補放接到部文後所出之缺毋庸送京恭候

皇上駐蹕熱河就近帶領引

見補放

補放吉林等處驍騎校

一吉林滿洲驍騎校缺出該將軍於本旗五佐領下領催前鋒內通行揀選寧古塔白都訥打牲烏拉地方驍騎校缺出於該處木翼內通行揀選舊漢軍兩佐領兼併新漢軍人員一體按翼揀選琿春地方三佐領下驍騎校缺出於三佐領下通行揀選伊通地方兩佐領及木赫索囉地方一佐領係由吉林鑲黃正黃正白旗分移往仍兼併各本旗揀選保

送

記名人員不肯勉力行走咨報部旗開除記名

嘉慶十年九月內奉

旨據興奎等奏因未將寧夏佐領記名之防禦花沙布自記名以後辦事不力不應坐補之處聲敘先行咨報兵部該旗開除記名請將伊等交部察議並請將花沙布記名開除仍留防禦之任行走等語所有各處駐防旗員引見時將擬陪人員記名准其續有缺出坐補者原以路途遙遠用示矜恤之意但伊等記

名後亦未必卽能有缺坐補往往有數年後始能坐
補者倘有記名後怠忽從事不肯奮勉者例由該將
軍大臣等彙敘緣由咨報將該員記名開除今防禦
花沙布自記名以後辦事耽延不肯奮勉該將軍等
自應不必將花沙布坐補佐領員缺著卽照興奎等
所奏將花沙布記名之處開除仍留防禦之任以觀
後效但興奎等早當照例詳請將花沙布記名開除
乃於補放佐領時始行彙敘緣由咨報兵部該旗實
屬疎忽除將興奎雙喜均著交部察議外仍著該部

曉諭各處駐防嗣後記名人員內如有記名後草率
當差不肯勉力行走者該將軍大臣等卽行照例先
行聲敘緣由咨報兵部該旗將記名開除不得於出
缺後始將開除記名之處詳報欽此

補放駐防協領以下等官記名人員分別坐
補

駐防滿洲蒙古漢軍協領佐領防禦驍騎校
及察哈爾護軍校缺出該將軍都統副都統
等各按旗缺翼缺公缺於應陞人員內揀選
擬定正陪送部轉咨該旗帶領引

見補放一員其餘一員可否記名之處恭候

欽定如奉

旨記名後令回原處以協領記名之員遇有應補缺

出專摺奏補以佐領防禦驍騎校護軍校記
名之員遇有應補缺出卽行坐補咨報部旗
仍於歲底將坐補人數彙報部旗由該旗將
咨值年旗彙奏倘有年力衰老行走遜前等
項事故將記名之處咨部註銷如平日不行
察核致將年力衰老行走遜前之員坐補將
該管大臣查議

駐防記名協領隨時知照軍機處

一各省駐防年滿協領送部帶領引

見如有奉

旨交兵部記名者由兵部將記名協領職名隨時知

照軍機處

駐防人員病痊補用

一駐防官員因患病開缺聲明尙堪起用者病痊後由該將軍都統副都統並該管巡撫出具考語送部轉咨該旗帶領引

見如奉

旨以原官補用者仍令回原處當差各按本處公缺

翼缺旗缺與記名應補應陞人員統按引

見日期先後挨次補用毋庸坐補原缺

補放駐防水師營官員

一駐防水師營協領缺出於水師佐領內揀選
佐領缺出於水師防禦內揀選防禦缺出於
水師驍騎校內揀選驍騎校缺出於水師領
催甲兵內揀選俱擬定正陪保送兵部轉咨
該旗帶領引

見補放如駐防陸路官員內有通曉水師者亦准一
體揀選保送

一廣州水師營協領一缺作爲滿洲缺佐領二

缺滿洲漢軍各一缺防禦二缺滿洲漢軍各
一缺驍騎校六缺滿洲漢軍各三缺仍按滿
洲漢軍分別陞用至水師漢軍佐領無缺可
陞俟駐防陸路漢軍協領缺出准與該營佐
領一體揀選陞用

補放黑龍江等處管水手官

一黑龍江吉林管水手四品官缺出以該處管
水手五品官陞補五品官缺出以該處管水
手六品官陞補六品官缺出以該處領催甲
兵補授均由該將軍擬定正陪保送兵部轉
咨他年旗帶領引

見補放一員其餘一員可否記名之處恭候
欽定如奉

旨記名後令回原處遇有應補缺出卽行坐補咨報

部旗仍於歲底將坐補人數彙報值年旗章
奏倘有年力衰老行走遜前等項事故將記
名之處咨部註銷如無員保送及保送之人
不堪補授值年旗行文八旗漢軍如係四品
官於步軍校雲騎尉五品廕生內揀選如係
五品官於驍騎校六品廕生內揀選如係六
品官於七品八品廕監生及在京領催甲兵
內揀選均咨送值年旗遴選二三員帶領引
見補放

補放黑龍江各城協領

一黑龍江各城協領缺出由該將軍等於本翼應陞官員內揀選擬定正陪保送如不得人於八旗應陞官員內通行揀選擬定正陪保送兵部轉咨該旗帶領引

見補放

補放駝馬廠牛羊羣牧廠總管翼長分別請

用

一商都達布遜諾爾達里岡駿駝馬廠太僕寺
兩翼牧廠總管翼長缺出將本牧廠應陞官
員並察哈爾應陞官員一體揀選擬定正陪
帶領引

見補放所放之人係本牧廠官員卽作爲實授免其
試用如係察哈爾官員仍以原銜頂帶先令
署理總管翼長事務試用三年再行奏請實

授

駝馬廠牛羊羣牧廠總管副總管陞用

一駝馬廠牛羊羣牧廠四品總管有差使奮勉者遇察哈爾叅領缺出與應陞人員一體揀選補放牛羊羣五品副總管有差使奮勉者遇察哈爾佐領缺出與應陞人員一體揀選補放

盛京等處繁缺調補

一

盛京及錦州廣寧遼陽牛莊蓋州鳳凰城中後所
句驪河法庫彰武臺松嶺子九關臺等處各
官俱作爲繁缺如有才具平庸不堪勝任者
卽於通省旗員內無論本翼本旗揀選調補
至調補之員遇有陞遷事故缺出仍於本旗
官員內補放至補放之後實不勝繁缺之任
再行揀選調補其佐領以下等官毋庸送京

盛京吉林黑龍江官員就近調補當差

一

盛京吉林黑龍江所屬各城官員有此城人補放
彼城彼城人補放此城無力搬移眷口者准
其互相就近調補當差

吉林烏鎗營官員陞補

一吉林烏鎗營叅領新漢軍八佐領舊漢軍一
佐領缺出俱毋庸由京補放叅領缺出於新
舊漢軍佐領內論其勞績能管轄者通行揀
選擬定正陪送京帶領引

見補放舊漢軍一佐領缺出於新舊漢軍驍騎校內
論其勞績通行揀選擬定正陪送京補放新
漢軍八佐領缺出於新舊漢軍驍騎校內論
翼揀選擬定正陪送京補放如實不得人咨

部由京揀選人員補放至所屬各城漢軍人等如有奮勉戎行者亦准其歸入吉林新舊漢軍內一體揀選論翼補用

三姓驍騎校陞補

一吉林所屬三姓驍騎校准其補用各城防禦
遇有各城佐領缺出一同揀選補用至三姓
公中佐領缺出於各城本翼防禦內揀選補
用其三姓驍騎校毋庸一體入選

東三省委署官員咨部委署

一

盛京委署官一百員吉林委署官一百五十員黑龍江委署官七十員缺出時該將軍等於前鋒領催內揀選差使勤慎弓馬嫻熟者出具考語咨部委署隨同驍騎校當差戴七品頂戴仍食本身錢糧

一貢生考取之候補筆帖式有情願改武者該將軍考驗如果弓馬可觀年力強壯准其咨

部改爲委官於領催用過三缺後補用一缺

補放張家口等處協領等官

一張家口蒙古協領一缺山海關所屬右翼四
旗防守尉佐領各一缺并河南駐防蒙古佐
領員缺應陞人員不敷擬陪缺出時該管大
臣將應陞之人保送兵部轉咨該旗帶領引
見補放如所送之人不堪陞用卽由該旗具奏於在
京應陞人員內另行揀選帶領引

見補放

一張家口八旗蒙古官員缺出本翼如有堪以

錄用之員仍由本翼揀選如不得其人卽毋庸論翼通行揀選保送補放

伊犁另戶駐防揀選補用

嘉慶七年九月內奉

旨著照松筠所奏伊犁駐防兵丁內作爲另戶人等著
施恩嗣後驍騎校缺出時將正身旗人補用七缺後
將作爲另戶人等揀選好者補用一人章京協領缺
出亦費一辦理欽此

吉林等處官員年滿調補京缺

由京補放之吉林等處官員五年期滿該將軍出具考語咨送該旗遇有應陞缺出該管大臣行文調取來京奏請帶領引

見坐補

補用卓異官員

一駐防軍政卓異人員帶領引

見奉

旨准其卓異者遇有應陞缺出該將軍等卽行奏請

補放不必送京引

見其引

見已過三年者仍咨送來京帶領引

見其伊犁軍政卓異人員毋庸送部引

見遇有應陞缺出題補時將卓異之處聲明具奏

補用近京駐防卓異官員

一駐防各城軍政卓異人員如山海關等處協領各城城守尉兵部遇有外省副都統缺出開列於前各城防守尉佐領交該旗以城守尉京城叅領員缺補用各城防禦交該旗以本處防守尉及京城步軍協尉員缺補用此等官員如年老及立有產業情願在彼居住者於考選軍政大臣前具呈雖經薦舉仍留彼處

旗員丁憂分別陞用

一旗員補用綠營武職遇有親喪丁憂於二十七個月內停其陞轉其在京八旗及各省駐防并

陵寢地方武職旗員丁憂遇有應陞旗缺准其一體開列陞轉如應行引

見補放人員於百日期滿後帶領引

見補放至前鋒護軍親軍領催兵丁印房筆帖式等二十七個月內遇有前鋒校護軍校親軍校

驍騎校城門吏缺出俱准其挑補至旗員中式武進士武舉後有應候補候選者遇有親喪丁憂俱俟二十七個月服滿照例補用

察哈爾降調人員補用

一察哈爾三品旗員降二級調用四品旗員降

一級調用者

該處並無五品官之缺

遇有六品官缺出

俟應陞人員補用二缺後以第三次缺出該

都統等將降調人員聲明降調情由出具切

實考語咨送兵部轉咨該旗帶領引

見補放

察哈爾兼管喀爾沁人等挑取馬甲拜唐阿
一察哈爾兼管之喀爾沁豁齊忒人等內有貧
無產業情願進京當差者准其來京挑取馬
甲拜唐阿如本佐領下應挑馬甲拜唐阿之
閒散幼丁不敷挑選遇有馬甲拜唐阿缺出
擇其年力精壯者挑補

駐防委署驍騎校等官咨部委署

一名省駐防額設委署驍騎校等官缺出由各該將軍都統副都統等於前鋒領催內揀選差使勤慎弓馬嫻熟者出具考語咨部委署隨同驍騎校當差戴八品金頂仍食本身錢糧